



**«Ինվիա Ինվեսթմենթս» ՓԲԸ
ՇԱՐԵՐԻ ԲԱԽՄԱՆ ՍԱՐՄԱՆԱՓԱԿՄԱՆ ՔԱՂԱՔԱԿԱՆՈՒԹՅՈՒՆ**

ՇԱՐԵՐԻ ԲԱԽՄԱՆ ՍԱՐՄԱՆԱՓԱԿՄԱՆ ՔԱՂԱՔԱԿԱՆՈՒԹՅՈՒՆ

ԳԼՈՒԽ 1. ՇԱՐԵՐԻ ԲԱԽՄԱՆ ՀՆԱՐԱՎՈՐ ԴԵՊՔԵՐԻ ՈՉ ԱՄԲՈՂՋԱԿԱՆ ՑԱՆԿԸ

1. **«Ինվիա Ինվեսթմենթս» փակ բաժնետիրական ընկերության** (այսուհետ՝ «Ընկերություն») կողմից ներդրումային ծառայություններ մատուցելիս առաջացող հնարավոր շահերի բախումների տեսակները հետևյալն են՝

- 1) Հաճախորդի հետ արժեթղթերի առուվաճառքի գործարքների կնքում շուկայականից տարբերվող գներով՝ ի վնաս Հաճախորդի, հոգուտ Ընկերության կամ դրա աշխատակցի,
- 2) Հաճախորդին պատկանող արժեթղթերի վաճառք շուկայականից ավելի ցածր գնով Ընկերությանը, Ընկերության աշխատակիցներին կամ վերջիններիս և/կամ Ընկերության հետ կապված, ինչպես նաև այլ անձանց,
- 3) Հաճախորդին պատկանող միջոցների ներդրում Ընկերության, Ընկերության աշխատակիցների և/կամ Ընկերության հետ կապված, ինչպես նաև այլ անձանց պատկանող արժեթղթերում,
- 4) Հաճախորդի միջոցների հաշվին ավելորդ կամ վերջինիս շահերին չհամապատասխանող գործարքների իրականացում, որը նպատակ է հետապնդում մեծ ծավալներով միջնորդավճարների գանձում Հաճախորդից,
- 5) Հաճախորդի կողմից տրամադրված ծառայողական տեղեկությունների օգտագործումը հոգուտ Ընկերության, Ընկերության աշխատակցի կամ այլ փոխկապակցվախ անձի և ի վնաս Հաճախորդի,
- 6) Արժեթղթերով այնպիսի գործարքների իրականացումը, որոնք կարող են լինել ի շահ մեկ Հաճախորդի և ի վնաս մեկ այլ Հաճախորդի:

2. Վերոնշյալ հնարավոր շահերի բախումների ցանկը սպառնիչ և ամբողջական չէ: Ներդրումային ծառայությունների մատուցումը կարող է ուղեկցվել շահերի բախումների նաև այլ դեպքերով:

ԳԼՈՒԽ 2. ՀԱՃԱԽՈՐԴՆԵՐԻ ՇԱՐԵՐԻ ՊԱՇՏՊԱՆՈՒԹՅՈՒՆԸ ԵՎ ՇԱՐԵՐԻ ԲԱԽՄԱՆ ԿԱՆԽԱՐԳԵԼՈՒՄԸ ՆԵՐԴՐՈՒՄԱՅԻՆ ԾԱՌԱՅՈՒԹՅՈՒՆԵՐ ՄԱՏՈՒՑԵԼԻՍ

3. Շահերի հնարավոր բախումները կանխարգելելու նպատակով Ընկերությունը կիրառում է հետևյալ միջոցառումները՝

- 1) Ընկերության աշխատակիցը Հաճախորդների գործարքները կնքում է Հաճախորդի կողմից ներկայացված պատշաճ ձևակերպված դիմումի հիման վրա,
- 2) Ընկերությունը խուսափում է այնպիսի գործարքների կնքումից, որոնք կարող են բացասական ազդեցություն ունենալ Հաճախորդի շահերի վրա:

4. Արժեթղթերի շուկայում գործառնություններ իրականացնելիս Ընկերությունը գործում է ելնելով բացառապես Հաճախորդի շահերի պաշտպանությունից: Այդ նպատակով Ընկերության համապատասխան աշխատակիցները պարտավոր են՝



«Ինվիա Ինվեսթմենթս» ՓԲԸ
ՇԱՐԵՐԻ ԲԱԽՄԱՆ ՍԱՐՄԱՆԱՓԱԿՄԱՆ ՔԱՂԱՔԱԿԱՆՈՒԹՅՈՒՆ

- 1) Պահպանել ՀՀ օրենսդրությամբ սահմանված պահանջները, Ընկերության ներքին կանոնները, ինչպես նաև աշխատանքային և մասնագիտական էթիկայի կանոնները,
 - 2) Չիրականացնել Հաճախորդի շահերին հակասող գործարքներ, որոնք կհանգեցնեն վերջինից գանձվող միջևորդավճարների և այլ վճարների ծավալների մեծացմանը,
 - 3) Գործել ազնիվ և բարեխիղճ:
5. Իր կամ Հաճախորդի անունից և Հաճախորդի հաշվին գործարքներ իրականացնելիս Ընկերությունը և համապատասխան աշխատակիցը միջոցներ է ձեռնարկում, որպեսզի դրանք կատարվեն անկողմնակալ, անհապաղ և ճշգրիտ: Այդ միջոցառումները պետք է հնարավորություն տան Հաճախորդի այլ հավասար պայմաններ ունեցող պատվերները կատարել ըստ ներդրումային ծառայության մատուցող անձի կողմից դրանց ստացման հաջորդականության:
6. Իր կամ Հաճախորդի անունից և Հաճախորդի հաշվին գործարքներ իրականացնելիս Ընկերությունը և համապատասխան աշխատակիցը պետք է.
- 1) Համոզվի, որ գործարք կատարելու համար պատվերները պատշաճ կերպով գրանցվել և ներկայացվել են կատարման,
 - 2) Այլ հավասար պայմաններ ունեցող պատվերները կատարի ըստ դրանց ստացման հաջորդականության, բացառությամբ, եթե պատվերի բնութագրիչները կամ շուկայում ստեղծված իրավիճակը դա անհնարին են դարձնում,
 - 3) Համապատասխան Հաճախորդի պատվերի առկայության դեպքում Ընկերությունը խուսափում է պատվերի առարկա գործարքին նույնական գործարք իրականացնելուց նախքան Հաճախորդի պատվերի կատարումը
 - 4) Հաճախորդին անհապաղ տեղյակ պահի այն էական դժվարությունների կամ բացասական հանգամանքների մասին, որոնք անհնարին են դարձնում Հաճախորդի պատվերի ճշգրիտ կատարումը: